

## Universitätsbibliothek Paderborn

### **Conciliorvm Omnivm Generalivm Et Provincialivm Collectio Regia**

Ab anno DCXLIX. ad annum DCLXXVI.

**Parisiis, 1644**

VII. Quae debeat discretio ecclesiarum rectoribus esse; ne per inconditam  
disciplinam subeant homicidii notam.

**urn:nbn:de:hbz:466:1-15300**

## VII.

Cum iuxta antiquæ institutionis edictum plus erga corrigendos agere debeat benevolentia quam feueritas, plus cohortatio quam commotio, plus caritas quam potestas, relatum est nobis, quod quidam ex fratribus plus liuore odii, quam correctionis studio subditos insequentes, dum se simulant spiritualem eis adhibere correctionem, indiscretam subito afferunt mortem, cum inauditos a se proiiciunt, & \* occultis eos iudiciis sub pœnitentia puniunt. Non ergo de cetero peruersis voluntatibus sit liberum simulare quod fingunt; sed quotiescumque quilibet ex subditis corrigendus est, aut publica debet a sacerdote disciplina curari: aut, si aliter rectoribus placet, duorum vel trium fratrum spiritualium testimonio peculiariter adhibito, & modus criminis agnoscat, & modus pœnitentia irrogetur: ita tamen ut si exilio, vel retru-

\* illicitis

\* aut quid  
aliud de-  
liquit  
\* quem

sione dignum eum esse \* qui deliquit, iudicium peculiare decreuerit, modus pœnitentia quam coram tribus fratribus sacerdos transgressor indixerit, speciali debeat eius qui sententiam protulit manus propriæ subscriptione notari: sicque fiet ut nec transgressores sine testimonio excidia vitæ suæ incurant, nec rectores accusatos se de quorumlibet interemptionibus erubescant.

## VIII.

Quidquid inuisibilis gratiæ<sup>†</sup> collatione tribuitur, nummorum quæstu, vel quibuslibet præmiis venumdari penitus non debet, dicente Domino: *Quod gratis accepistis, gratis date.* Et ideo quicum-

1. q. 1. Quid-  
quid inuisi-  
bilis. Iuo  
par. 5. cap.  
126. & par.  
1. cap. 73.  
*Matth. 10.*  
† Gratianus  
& gl. legunt